



1卷60
84.25
52

五月初二日奉

旨與大學士托公

津

章公

煦

尚書英公

和

和

公

瑛

同

充明鑑總裁時館臣措辭失當奉

勅公同遴擇翰林才識敏達者充總纂纂修遂保

奏總纂陳用光胡敬纂修吳慈鶴王家相郭尙先戚

人鏡分年編輯復詳加核釐書成得

旨褒勉

六月十四日署刑部尙書

七月初四日平反工部主事潘公恭常一案

時都下多為潘公危奏

上復職覆盆之雪羣頌

天慈先潘公官水曹吏舞法痛杖含忿遂誣潘納賂
奉

嚴旨研究久不得端倪余督司屬訊三日而真偽立
判懲刁吏以法公論欣然

七月初十日署

行在刑部尙書尋

派佩帶印鑰

十月十一日扈

聖駕由

盛京回

繼謹撰盛京頌十章頌冊恭

進

嘉慶二十四年己卯六十歲

元旦預

太和殿大臣宴並蒙

恩寬免降級留任處分三案

二月二十九日

派佩帶

行在刑部印鑰

閏四月十八日

派閱考試試差卷

六月二十二日

派佩帶

行在刑部印鑰

春初淀園

召對詢及六十初度面奉

恩綸屆時

賜壽當以淀園瀑直陳悃展期蒙

俞允十月二十四日

上遣

御前侍衛前鋒統領載公

銓齋

賜御製延禧介壽扁額一面無量壽佛三尊鑲玉如意一柄碧霞弘朝珠一盤珍玩九件大緞九疋江綢九疋春綢三疋紡綢三疋隨具香案恭領

隆錫隨

天使入

內面叩

天恩

是月慶逢

仁宗睿皇帝六旬萬壽謹撰

聖德久徵頌冊恭

進

十一月撰 外高祖李忠烈公神道碑浼郭

編修 尙先 書丹勒石

十一月二十二日署刑部尚書

是年恭遇

覃恩

誥命余以戶部尚書例封三代

曾祖 祖 父俱

誥贈光祿大夫

曾祖妣程王 祖妣蕭李 俱生妣李

誥贈一品夫人十二月二十四日內閣賚到

誥軸設祭家祠中奠爵焚黃悲從中溢嘆曾孫之暮

齒感 先澤之留貽清白傳家

龍章寵錫吾子孫其勿忘替

嘉慶二十五年庚辰六十一歲

三月初六日面奉

溫綸偕禮部尚書黃公鉞 兵部侍郎吳公芳培 工部

侍郎善公慶 充會試總裁齋潔銘心殫思校

閱得陳繼昌等二百四十人繼昌為文恭公

元孫癸酉以第一人舉於鄉

廷試得三元

御製詩紀盛奉

敕賡和是科得人極盛迄今十數年間內而卿貳科
道翰詹部曹五十餘人外而鎮撫邊陲旬宣
吳楚九道十府郡丞別駕牧令不下五六十
人前後數科於斯爲盛

四月二十日

派閱庶吉士散館卷

七月十八日扈

蹕避暑山莊二十五日

仁宗睿皇帝龍馭上賓

鼎成弓墮攀號無從時奉

命撰擬詔令總理喪儀多於灤陽直廬中和淚濡
毫仰體

聖天子追慕孝思每抒一篇未嘗不惻然心痛

八月十二日由熱河隨

梓宮入都

九月初七日蒙

恩頒賞

仁宗睿皇帝遺念袍鞋鞞帽帶鈎荷包等物

九月初九日以恭述

遺詔誤引

御製詩已刪舊注與

實錄不符舛錯失當交部嚴議議褫職蒙

恩降五級留任仍在軍機大臣上行走

同日調工部尙書時

山陵大典百務舉輿樞直少暇卽入署督司屬敬謹

備辦

道光元年辛巳六十二歲

元旦

恩詔加一級

二月十七日長男本由廕生考取一等二名
引

見以員外郎用分戶部行走

三月十一日從

聖駕恭送

仁宗睿皇帝梓宮奉安

昌陵禮成加二級二十八日

仁宗睿皇帝升祔加一級

四月十五日

派閱考試試差卷

七月二十二日扈

聖駕恭謁

昌陵至黃新莊霖淖不能前隨

蹕旋都

十二月二十七日奉

上諭盧蔭溥著調任吏部尙書兼管順天府府尹

事務其職任較繁不必在軍機處行走俾其專心進署辦事廿九日到吏部順天府任

道光二年壬午六十三歲

新正二日

派入

坤寧宮食餽 十六日

派入廷臣小宴嗣後歲沐

恩讌不復瑣紀

正月二十五日奉

上諭盧蔭溥在軍機處行走多年恪恭匪懈前因管理吏部順天府需人特旨調用亦能盡心著加恩交部從優議敘次日具摺謝

恩蒙

召對

溫諭有加

二月二十一日

派稽查接談換卷

三月初一日

上謁

東陵

西陵

派同莊親王

綿課

大學士托公

津

尙書那公

彥成

留京辦事

三月初六日以前在工部任內失察司員承

壇

辦

廟工程收受成頭又朦混銷算奉

旨交部嚴議議褫職蒙

恩降四級留任

同日署禮部尙書

閏三月初三日奉

旨會同軍機大臣審訊內務府縣丞常慶控案訊

明常慶與海保索欠構釁反誣伊父收受海保錢文情殊惡險臚控各款毫無確據擬加等發遣餘分別追贓降黜奏

上依議

閏三月初五日

派會試鈐榜官

閏三月二十二日

派充殿試讀卷大臣得戴蘭芬等二百四十五人

閏三月二十九日

派閱朝考卷

四月十一日

派閱考試試差卷

六月初十日奉

旨會都察院傳訊守備齊懷忠並檢驗張泳祥屍傷一案檢訊得實奏

聞

十月十四日扈

聖駕恭謁

昌陵瞻望

橋山莫申哀慄二十二日旋京

道光三年癸未六十四歲

正月

恩詔開復工部任內失察司員辦理工程降四級一案

瑞雪連番喜逢澄霽招庚辰及門小集春拌

黃水部

樂之

爲作霽雪清尊圖題詩卷首囑

及門各賦新詩

二月初三日

派文廟分獻

三月初七日

上諭

先農壇舉行耕藉禮以順天府派出執事各員預

備甚爲齊整奉

旨加一級

四月初七日

派充會試覆勘大臣

四月十七日

派閱庶吉士散館卷

四月二十日

派充殿試讀卷大臣得林召棠等二百四十六人

七月初一日感受暑疫具摺請假卽日

上遣

御前侍衛博多歡帶領

御醫張新來寓診視

天慈矜恤淪浹難名初十日遞摺銷假

七月二十三日

派充覆勘刑部朝審大臣

上年霸州保定文安故城大城及近畿屢困

霍潦春收薄歉當經節次委勘分別奏請加賑平糶蒙

允在案入夏來桑乾泛溢三穀不登連日與府尹

籌議分設飯廠四處饑民得資糊口嗣因就

食者眾復議請添廠接濟奏

上如所議行

按蘆溝橋黃村清河東壩四廠每廠撥給粟米五百石支經費五百兩擇令牧之謹愿者分頭辦理并責令按日申報嗣添設采育麗各莊兩廠改折給米糧併放逢一逢六大口給一升五合小口給七合五勺又移蘆溝橋一廠於大井俾小民省跋涉

之勞均沾實惠

八月二十八日袁夫人卒於邸四十年伉儷

恭儉宜家羸病連年竟成永訣撰行實以抒

悼素並吟一絕

老去何能賦悼亡那堪垂死語淒涼蕭條家計仍縈念薄

葬諄諄聽斷腸

九月初九日

上謁

泰陵

泰東陵

昌陵

派同大學士托公

津

協辦大學士英公

和

汪公

廷

珍留京辦事

九月訪聞采育廠廟墻圯壓領賑人口當卽密委治中盧奎偵訪得實遂將辦理不善并報遲之令尉奏請嚴議奉

旨依議

時大城令陳晉被民人呂源臚欵具控奏請移交直督查辦報

允

自設廠展賑以來稍蘇道殣然嚴寒風雪待哺罄罄酌留采育等三廠南鄉被水較重議添榆堡一廠毗連搭賑俟春融酌量裁撤先期籌撥銀米速濟窮黎隨於十一月十一日奏

上依議

十二月二十一日親詣飯廠周歷行查各牧
令經理得宜越四日而畢

道光四年甲申六十五歲

二月初二日

上御經筵

命宣講易經經義

二月十九日奏移榆堡一廠於盧溝橋以便

就食饑民與三處同日展放煮賑並查照成
案暫於通霸二庫酌撥經費奏

上如所議行

四月二十九日交卸兼尹事銓曹事簡退直
暇以觀書臨池爲樂間訪三五老友促膝談
心精神伉爽

道光五年乙酉六十六歲

二月初六日

上謁

東陵

派同莊親王

綿課

大學士托公

津

尙書汪公

廷珍

留京辦事

二月十六日命

本兒

送亡室袁夫人匱歸葬

二十里鋪新阡

四月十一日

派閱考試試差卷

道光六年丙戌六十七歲

二月二十日

上謁

西陵

昌陵

派同大學士托公

津

協辦大學士英公

和

汪公

廷

珍留京辦事

三月初六日署順天府兼尹事務

四月初九日

派閱庶吉士散館卷

九月初九日

派充武會試外場較射大臣

道光七年丁亥六十八歲

二月初二日

上御經筵

命宣講書經經義

四月初七日再署順天府兼尹事務五月初七日蒙

恩實授

時官兵進勦逆回由南口懷來兩程大宛例辦腰站尖伙先期嚴飭妥爲經理復偕府尹分日前往彈壓至凱旋商免擾累卒鮮譁呼七月十四日奉

上諭盧蔭溥著以吏部尙書協辦大學士十六日

到翰林院任柳井柯亭迴翔卅載追思舊事
不禁憮然

七月二十三日

派稽查三庫

八月初四日

派祭文廟

道光八年戊子六十九歲

四月初一日

派閱考試試差卷

五月十二日

上御午門受俘禮成加一級

七月初二日

派入凱旋筵宴

八月初六日奉

旨充順天鄉試正主考戶部尙書王公

鼎

侍郎李

公宗昉副之悉心衡校得王兆松等二百四

十五人連科成進士者三十八人

九月十一日揭曉馳赴

行在覆

命旋奉

旨回京會同軍機大臣刑部審訊督辦

吉地工程一案

道光九年己丑七十歲

正月十六日次孫報勲生

三月二十八日

派充會試磨勘大臣

四月十八日

派閱庶吉士散館卷

四月二十九日

派閱朝考卷

五月承德守海公忠編輯熱河志馳簡徵詩

選昔年扈

蹕賡颺

聖製詩十首錄寄編入

七月十四日感暑請假二十日奉

旨安心調理八月初五日銷假

九月三十日爲七十生日先蒙

垂詢賜壽屆時

上遣奉宸苑卿明公禧賚

賜

御製贊綸錫慶扁額一面

御書福壽字各一方壽佛一尊鑲玉如意一柄松

石朝珠一盤縹絲蟒袍一件陳設十件大卷

江綢八疋小卷江綢八疋竊念花甲先叨

天錫吉辰重沐

恩頒光耀門楣榮增紘佩當卽具摺謝

恩遣家丁迎赴

行在恭

遞十月十八日赴黃新莊接

駕蒙

召對二十四日旋都

十月爲長孫光燮娶婦陳氏海鹽陳簡亭用

敷孫女寬敬女

道光十年庚寅七十一歲

二月初二日查勘貢院請飭工部估修奏

上得

旨交部估修

二月十四日張殿文以索欠訐訟牽控各款
奉

旨會軍機大臣審辦此案寶和以職官拖欠房價
又含混稅契致業主上控除擬業主以刁訟
律寶和及私和公事之札克當阿奏請分別
議處得

旨依議

三月初二日

上謁

西陵

派同定親王

奕紹

大學士托公

津

長公

齡

留京辦

事

同日又

派覆審伊爾根覺羅氏控伊夫已故叅將西林保
身死不明一案集訊連旬實煙薰致斃原驗

確有可憑推鞫原隨弁兵僉無遁辭該氏又
不甘具結曉曉蒸檢照刁訟律議罪餘証俟
獲另結奏

上依議

三月初六日

派署翰林院掌院學士

三月十二日奉

旨同鍾侍郎

昌

提傳李文慶李張氏蒸檢李錫慶

屍傷一案先由刑部擬結以屍親屢控爰移牒直臬遴作作來屍塲蒸檢得實案乃結

四月二十六日戶部捐納房假照案發奉

旨會同大學士軍機大臣刑部嚴訊此案弊積十餘年要証逾月餘始獲訊未竟又牽連職官包賄詐贓等欸調查捐冊與部稿凌次抽竄究不知該部員何以同心畫諾舞弊藐法贓私纍纍首犯訊明擬立置重典餘分別發遣

杖徒有差至九月始竣奏

上悉依議

七月二十一日

派充刑部覆勘朝審大臣

九月二十三日奉

旨補授體仁閣大學士仍兼署順天府府尹事務
十一月十七日

派總理刑部事務

十二月二十四日充文淵閣領閣事

道光十一年辛卯七十二歲

正月

恩詔加一級

二月交卸順天府兼尹事

四月十一日

派閱考試試差卷

六月初九日署兼管順天府尹事務

八月初二日

派祭文廟

八月初六日奉

旨充順天鄉試正主考寶少宰

興李少農 宗昉副

之三典京兆屢荷

恩光入闈虛心衡校得董似穀等二百四十五人

連登甲榜者三十餘人

十月交卸兼尹事總轄秋曹慎司簡察每日

現審供招必詳覈駁詰而交審屢值重案提
訊殆無虛日年過懸車殊覺牽疲引憊耳
年來積俸入置義田五百畝以贍族人手定
規條并述其顛末以告之略云憶髫齡讀錢
君倚義田記激昂感慨謂士大夫遭際

聖明不當厚貨財私妻子爲一身之奉當以
祖宗
之心爲心敦卹宗族而家遭中落世載食貧
非敢忘也力不逮也念 先都轉公而下枝

葉凋零 先府君塞外

賜環積俸入營祭田數百畝余九齡負笈讀於外家
弱冠成進士館職清貧僅供菽水踰壯仕容
臺直樞禁衙館餐錢昕夕麤給五十外渥承
知遇洊擢正卿而倬直

內廷年年扈

蹕輿馬僉從裝帳糒糧益以三節貢琛公私酬酢實
歲費不貲而自奉不求精腆此都士人所共

知者逢家鄉人至多告饑寒未嘗不惻然隱
疚中夜房皇茲荷

寵命忝廁

綸扉又不獲捧

鸞誥奠饋松楸重勞諸族長躬賀里閭感增腑鬲
念木本水源敦卹敢後爰解橐中俸積數千
金置義田一所晦數四至具詳規條擇子弟
之謹敏者專司厥事歲收什一之利上以備

祠禴烝嘗之奉下以應冠昏喪祭之需而養
老字幼孤寡無依者胥取給其中在此日原
竭力創成而繼長增高俟諸異日願合族毋
忘一番補苴經營用是舉素懷遲遲始就者
告諸合族伯仲子姪共鑒予懷焉

九月初九海門兄八旬生日怡亭弟從鄉來
知矍鑠如常

憶辛巳秋劉次白舍人

鴻翔

爲余序制藝力

愆付梓念通籍後筆墨鮮暇迨供直

樞垣歲扈

翠華間有經

進文字及賡颺

聖製詩約存五百餘篇益以在史館日撰

進文冊及古今體詩又不下三五百篇因編舊作名

延禧堂稿

道光十二年壬辰七十三歲

入春來多讞鞠重案辰晷入署返逾晡勞瘁
殊形四月初八日痰火侵爍具摺乞假二十
日奉

旨賞假調理五月初一日銷假

七月十六日三孫景煥生

九月初九日京兆榜發

胞姪枚

中式二十六

名姪先以拔萃試政工部今勉繼科名甚可

喜也

十月初八日由圓明園旋寓猝感寒疾十四日具摺請假二十日蒙

恩賞假養病至十一月初四日假滿未愈奏請開缺奉

上諭盧蔭溥奏病難卽痊懇請開缺一摺大學士盧蔭溥前經賞假調理據奏調治總未痊愈自係實情但其年尙未甚衰老祇須調理卽可就痊无庸開缺著再賞假兩個月並加恩賞給人

參四兩俾資調攝俟明春天氣和煦日漸痊可仍照常供職欽此聞

命之下感悚難名羸疾未痊仰沐鴻慈矜卹撫衷益覺滋疚耳

道光十三年癸巳七十四歲

入春來寢食平善左足仍未勝動履二月假滿復奏陳開缺奉

旨賞假一月安心調理

君恩至厚臣惴難安三月初五日瀝請開缺奉
上諭本日據大學士盧蔭溥因病久未痊具摺瀝
請開缺盧蔭溥在軍機大臣上行走有年嗣因
吏部管理順天府事務較繁令其毋庸入直專
心職守旋擢綸扉綜理部務殫心竭力辦事認
真一切悉臻妥協上冬因疾請假復兩次籲懇
解退職任朕屢經降旨寬予假期並賜參俾資
調養茲復奏稱病已五月之久醫治未能速效

力請乞休情詞肫切若仍慰留伊心恐曠官轉
難頤攝非所以示體恤盧蔭溥著施恩晉加太
子太保以大學士致仕賞給支食全俸用示朕
眷念勤勞恩禮耆碩至意伏念涓埃未效精力

銷沈仰承

寵錫宮銜

頒食全俸瞻望

闕廷感惶交集

四月十二日蒙

賞五等參四兩靈樞疊

錫榆景滋培祇領不禁感媿追思服官五十年直

內廷者十有一載

珍賚駢蕃歲不勝紀彙諸牘以志榮幸茶宴則有鑲

玉如意文綺朝珠端硯三清茶盃佩囊古畫

文玩之

賜上元宴則有文綺華燈鼻煙荷囊齋戒牌煙壺之

賜端午節則有紗葛紈羅宮扇香珠香佩藥錠之

賜進春帖子則有福絹蠟箋牙管筆珠錠之

賜歲賚則有

御書福字

御書福壽字荷包鑲玉如意麕鹿黃羊鱸臘蔬果

餅餌之

賜

慶典則有蟒袍如意大緞荷包火鑱帶板煙壺帽沿

帽緯文玩之

賜

特恩則有

御用貂褂元狐褂海龍褂貂袍貂皮人參壽佛玉杯

玉瓶文玩洋表煙壺玉煖手鑲玉冊盒銅器

磁器白鳴鐘江綢大緞春羅葛紗洋煙藥餌

芽茶奶餅之

賜至於

御製詩文集

御纂書籍

御刻圖記法帖壬午後

頒賜

御製詩文集

御纂書籍及

內府舊藏書籍法帖不下五百餘函六十餘種

今以衰病閒居猶荷

賜參

賜餽

垂卹老臣屏營感悚

四月值

孝慎皇后大事具摺恭請

聖安遣子戶部雲南司員外郎本赴園恭

遞

七月病少減為

本兒評批詩集兒先以耳疾

乞假今以余老憊不願補官渠生平作詩不

下萬首今定為十卷其別箸尚有卅餘卷曾

手書楹帖賜之柳仲郢手不釋卷龍伯高口

無擇言

十月初二日蒙

賜

神糕一盤背燈肉一分

入夏來眠食照常而左臂痿痺舉動仍不能

輕利醫者謂春煖血和漸就痊愈嚴冬風凜
血脈自多凝滯頽然卧疾虛度年華老境殊
覺困鬱

道光十四年甲午七十五歲

二月初二日蒙

賜

神糕一盤背燈肉一方孟冬復被

賜如例

四月初四日蒙

恩賞五等蓆四兩

先是長女十齡許字故城賈敦甫次子汝

愈越三年婚殤女矢志守貞迄今卅載婚姪

臻辛卯出余門下旋捷詞林今於四月二十

六日備禮迎歸上其節於大吏題請

旌坊得

旨褒允及門童君光煒館余家重躋其事約四科

及門撰啟徵詩女侍余五十年節孝兩全可
稱無媿次女由湖北來省余疾留度歲

十二月二十七日孫光燮生一男命名培乳

名保昌亦老年一喜事也

道光十五年乙未七十六歲

二月初一日

賜背燈肉一方

四月蒙

賜人參五兩

八月十五日接家信知三兄終就邸成服

十月初一日

賜背燈肉一方

道光十六年丙申七十七歲

二月初一日

賜背燈肉一方

三月初一日曾孫女景福生

四月蒙

賜人參五兩

十月初一日

賜背燈肉一方

道光十七年丁酉七十八歲

二月初一日

賜背燈肉一方

四月蒙

賜人參五兩

十月初一日

賜背燈肉一方

道光十八年戊戌七十九歲

二月初一日

賜背燈肉一方

四月蒙

賜人參五兩

七月德州舒刺史倡賓興事宜助銀三百兩

十月初一日

賜背燈肉一方

道光十九年己亥八十歲

二月初一日

賜背燈肉一方

四月蒙

賜人參五兩

順天府以就近重赴鹿鳴奏請得

旨賞加太子太傅銜具摺謝

恩

鳴呼痛哉此 先文肅公手輯年譜也音容遽
邈倏已十旬捧讀 遺編悽然淚下伏念 先
文肅公從公積瘁自壬辰冬猝感風痺連章乞
退

予告後養疴京邸猶能室中扶杖眠食如常竊冀中
氣不衰期頤可致詎意入春來天氣亢旱浸灼
肝陽減卧減餐精神疲茶迨四月杪大京兆以
重赴鹿鳴屆期陳奏就近與宴蒙

恩特晉宮傅病榻間伏枕泣謝至五月初二日漸覺
神氣散渙越四日卯時棄養皆由 不孝本 叢愆
稔孽貽禍 先嚴不可爲人不可爲子呼天搶
地莫贖孤身側思 先文肅公四海咸稱 賢
相

九重褒爲完人

國史有文

諭祭有文

敕祠又有文原不待譜錄之昭彰有光泉壤然撫茲

手澤如接 音容倘湮沒不彰則 不孝 之罪

愈重蕭寺總帷淒風涼澍齋心跽伏感慕何窮

爰輟泣恭繕虔付剞劂伏望

名公鉅卿垂覽焉

道光己亥八月 不孝孤哀子本泣血敬識

--	--	--	--	--	--	--	--	--	--

北京圖書館藏



